

Akiitsornermut isumaqatigiissummut piunasaqaatit

1. Ernialersuineramik unitsitsineq

GrønlandsBANKEN-ip qaqugukkulluunniit taarsigassarsianut akiitsornernullu sumiginnarneqartunut ernialiineq allaffissornikkut naatsorsuutitigullu unitsissinnaavaa.

Ernialiineq unippat, tamannalu akiitsortumut isumaqatigiissutaanngippat, isumaqanngilaq GrønlandsBANKEN-ip pisassami ernialersornissaanut kiisalu aningaasartuutissanut kingusinnerusukkut ilannguttunut matussusiinissamut piunasaqarnissaq taamaatiinnaraa. Tamanna aamma atuuppoq, kontop assilinerani imaluunniit assigusunni allassimagaluarpalluunniit ernialiineq unissimasoq.

2. Akiliisarnernik iluarsineq

Ernianik aamma aningaasartuutit allannguinerami GrønlandsBANKEN pisinnaatitaavoq, akiliisarnernit annertussusaasa, amerlassusaasa imaluunniit akulikissusaasa imaluunniit taakku katillugit allanngortinnissaanut.

3. Aningaasaqarnikkut pissutsit pillugit paasissutissiineq

Akiitsullip GrønlandsBANKEN aningaasaqarnikkut inissisimanini pillugu ilisimatitsiffigisassavaa kiisalu qinnuigineqaruni aningaasaqarnikkut paasissutissat tunniuttassallugit.

4. Atorunnaarsitsineq aamma akiitsut akilernerat

GrønlandsBANKEN-ip taarsigassarsiat akiitsornerillu tamakkiisumik imaluunniit ilaannakortumik nalunaaruteqaqqaarani atorunnaarsissinnaavai, kiisalu akiitsut, matuma ataani erniat aamma aningaasartuutit takkuttut akilerneqarnissaat piunasaqaatigisinnaallugu.

GrønlandsBANKEN-ip atorunnaarsitsinerani akiitsullip nassuiaat tunngavilersorluagaq piunasinnaavaa.

Akiitsullip allatut isumaqatigiissusiortoqarsimanngippat, taarsigassarsinermit aamma akiitsornermut isumaqatigiissut naapertorlugu qaqugukkulluunniit tamakkiisumik imaluunniit ilaannakortumik pisussaaffini akilernissaanut pisinnaatitaaffeqarpoq.

5. Pisussaaffimmik sumiginnaaneq aamma pisinnaannginnermut tunngaviit allat

Pisuni immikkut ittuni tulliuttuni naatsorsuutigineqassaaq, GrønlandsBANKEN-ip taarsigassarsianik aamma akiitsunik nalunaaruteqaqqaarani atorunnaarsitsinissamut pisinnaatitaaffini atussagaa kiisalu akiitsut ernertumik akilerneqarnissaat piunasaqaatigisagaa. Taagukkat tamakkiisuunngillat:

- a. Akiliutissat, erniat, ilapittuutit imaluunniit akilersuutit piffissami akiliiffissami akilerneqanngippata. Akiitsornermi aamma tamanna atuuppoq, akiitsullip GrønlandsBANKEN akuersiteqaarnagu akiitsut annertunerpaaffissaa sipporpagu.
- b. Akiliunneqarnissamut imaluunniit paarnaarussaannissamut akiitsulik inuttut eqqartuussivikkut malersugaalerpat.
- c. Akiitsulik iluarsaaqqinnermik imaluunniit akiliisinnajaanaarnermik suliaqarfigineqarpat imaluunniit akiitsunik isumakkeerfigineqarnissamut suliamik aallartitsippat.
- d. Akiitsulik toqukkat qimaguppat.
- e. Akiitsulik nunap killeqarfiata avataani aalajangersimasumik najugaqalerpat, nunamut allamut angerlarsimaffini nuutsippagu imaluunniit suliasat annertuut nunamut allamut nuuppagit, tamatumalu siornatigut taarsigassarsiat/akiitsut (nangillugu) akilerneqarnissaanut isumaqatigiissuteqartoqanngippat.
- f. Akiitsulik taarsigassarsiat/akiitsut pilersinneqarnerani sunniuteqartunik paasissutissanik eqqunngitsunik tunniussisimappat.
- g. Akiitsullip ukiumoortumik nalunaarut/ukiumoortumik naatsorsuutit, suliffeqarfik inuttut ingerlanneqartumut atatillugu isertitat aamma pisuussutit naatsorsornerisa, kiisalu aningaasaqarneq

pillugu paasissutissat allat GrønlandsBANKEN-ip piumasaqaatigisai suliarineranit kingusinnerpaamik ullut 14-it qaangiutsinnagit tunniutinngippagit.

- h. Akiitsullip aningaasaqarnikkut inissisimanini pillugu GrønlandsBANKEN paasissutissittanngippagu.
- i. Akiitsullip taarsigassarsiaminik taarsersuisinnaanermut naatsorsuutigineqarnera ajorseriarpap.
- j. Suliffeqarfiup aqutsisuini, piginnittuanut aamma ileqqoreqqusanut atatillugu pissutsini, matuma ataani piginnittut akornanni isumaqatigiissutini, akiitsullip GrønlandsBANKEN-imi pisussaaffianut sunniuteqartuni allanngortoqarnera pillugu GrønlandsBANKEN ilisimatinnngippagu.
- k. Taarsigassarsianut pigisat qularnaveeqqutaasut GrønlandsBANKEN akuersiteqqaarnagu tunineqarpata.
- l. Taarsigassarsianut qularnaveeqqutaasoq biili, umiatsiaq, allat pigisat imaluunniit illu iluameersumik sillimmateqanngippat imaluunniit qinnuiginninnermi tamanna uppersarneqanngippat.
- m. GrønlandsBANKEN sioqqutsisumik akuersiteqqaarnagu immikkut ittumik iluanaarutininik tunniussippat, GrønlandsBANKEN-ip naliliinera naapertorlugu akiitsullip GrønlandsBANKEN-imi pisussaaffianut sunniuteqartumik.
- n. GrønlandsBANKEN sioqqutsisumik akuersiteqqaarnagu nammineq aningaasaatit (aktiat/piginneqataassutsit) ima annertutigisut pisiarigaanni, GrønlandsBANKEN-ip naliliinera naapertorlugu akiitsullip GrønlandsBANKEN-imi pisussaaffianut sunniuteqartumik.
- o. GrønlandsBANKEN sioqqutsisumik akuersiteqqaarnagu toqqaannartumik imaluunniit toqqaannangitsumik aningaasanik atugassiippat, taarsigassarsititsineq imaluunniit aningaasanik pigisaqartumut imaluunniit akiitsulimmi aqutsisunut qularnaveeqqusiippat, allap pingajuusup akiitsulimmi aningaasaatinik imaluunniit akiitsullip piginneqatigiiffiani pingaarnerusumi imaluunniit piginneqatigiiffiup pingaarnerusup pisussaaffiininik ima annertutigisuninik, akiitsullip GrønlandsBANKEN-imi pisussaananeranut sunniuteqartumik pisinerani.
- p. Tamakkiisumik ilaannakortumilluunniit maannamut niuerfigisimasani allanngorpagu, matuma ataani sammisani ima atorunnaarsikkiartorpagit imaluunniit annertusigunigit, GrønlandsBANKEN-ip naliliinera naapertorlugu akiitsullip GrønlandsBANKEN-imi pisussaaffianut sunniuteqartumik.
- q. GrønlandsBANKEN sioqqutsilluni akuersiteqqaarnagu kattunnermi/avissaarnermi (sunaasussaa apeqqaatainnagu) peqataappat.
- r. GrønlandsBANKEN-imut pisussaaffinnik allanik sumiginnaaneq, matuma ataani ass. taarsigassarsineranut isumaqatigiissutit allat pillugit pisussaaffinnik.
- s. Akiitsullip suliffeqarfianik aqutsineranut pingaarutilimmik sunniuteqartuninik inatsisininik imaluunniit oqartussaasut inassutaannik malinninnginnermi.
- t. Taarsigassarsianut pigisat qularnaveeqqutit annertuumik ajornerulermata.
- u. Akiliussisussamaat pisuni imm. b-g, i, n aamma p ataani taaneqartuni ilanngunneqarpap. Tamannali atuutinngilaq, sapaatip akunnerata ataatsip iluani allamik GrønlandsBANKEN-ip akuerisinnaasaanik qularnaveeqqusiisoqarpap.

6. Inaarutaasumik naatsorsuutit

Pisussaaffinnik sumiginnaasoqarpap GrønlandsBANKEN-ip aningaasaqarnikkut ataatsimut naatsorsuusiornikkut inaarutaasumik naatsorsuinissaq piumasaqaatigisinnaavaa. Inaarutaasumik naatsorsuineq maannakkut siunissamilu sullitap GrønlandsBANKEN-illu akornanni pisussaaffinni suniluunniit aningaasanik naatsorsuineranut pisinnaatitsisuni, ass. uninngasuutit aamma taarsigassarsiarititat, qularnaveeqqusiinnermi pisussaaffiit, pappialanik nalilinnik tunniussinnermi angallassinermi aamma piumasaqaatini tunisinnermi pisinnaatitaaffiit, matuma ataani pappialanik nalilinnik GrønlandsBANKEN-imut qularnaveeqqutit imaluunniit pigisatut tunniunneqarsimasuninik utertitseqqinnermi suliarineqarsinnaavoq. Aningaasanik, ernianik, naleqqersuutinik aamma pappialanik nalilinnik niurneq pillugu sinaakkutit isumaqatigiissutini piumasaqaatit, isumaqatigiissutit taamaattut malillugit inaarutaasumik naatsorsorneqartarput. Inaarutaasumik naatsorsuinnermi GrønlandsBANKEN-ip aamma sullitap pisussaaffii danskit koruuniini imaluunniit nunat allat aningaasaanni isumaqatigiissutigineqartumi piffissami tassani naliusumi naatsorsorneqartarput. Aningaasaqarnikkut qularnaveeqqusiinnermi imaluunniit allatut qularnaveeqqusiinnermi isumaqatigiissummi piumasaqaatit qularnaarneqartut piviusumik qularnaveeqqummit iluanaarutininik nalikillilernerneqassapput. Pisussaaffiit naatsorsorneqartut ilanngaateqareerluni isumannaagassatut aaqqinneqassapput. Inaarutaasumik naatsorsuineq

peqatigitillugu suliarineqarpat, GrønlandsBANKEN-ip killiffiit saqqummiussat ataatsimut inaarutaasumik naatsorsuinermit ilanngussinnaavai. GrønlandsBANKEN inaarutaasumik naatsorsuineq pillugu sullitamut nalunaarummik nassiussissaaq. GrønlandsBANKEN-ip kingornatigut inaarutaasumik naatsorsuutit killiffia kingorna qularnaveeqqummik piviusunngortinneqartumit iluanaarutaasunik, pisussaaffiit naapertorlugit piumasaqaatinik naatsorsuutaasunik inaarutaasunik taamaallaat kingornatigut naatsorsorneqarsinnaasunik iluarsisinnaavaa, ass. qularnaveeqqutit imaluunniit piumasaqaatit, kingusinnerusukkut akilernerqartussaasut. GrønlandsBANKEN-imut piumasarisanik allamut pingajuusumut tunniussinermi GrønlandsBANKEN-ip inaarutaasumik naatsorsuutininik pisinnaatitaaffia ataqineqassaaq.

Akiliussisussamaatit pillugit immikkut

Taarsigassarsianut akiitsunullu akiliussisussamaatit qulakkiigaasunut aalajangersakkat tulliuuttut atuupput:

1. Akiliussisussamaatit annertussusaat

Akiliussisussamaatit akiitsullip GrønlandsBANKEN-imut pisussaaffii, taakkununga ilanngullugit erniat aamma aningaasartuutit allat akiliussisussatut akisussaaffigissavai.

2. Atorunnaarsitsineq

Taarsigassarsiat/akiitsut akiliussisussamaatit qularnaveeqqusikkat tamakkiisumik imaluunniit ilaannakortumik akilernerqarpara, aamma akiliutigisartakkat imaluunniit qularnaveeqqutit ilassutaasut atorunnaarsineqarpara, akiliussisussamaat attaneqassaaq, akiliussisussamaat akiitsulimmit imaluunniit GrønlandsBANKEN-imit akiliisimaneq pillugu nalunaarummik tiguisimagaluarpalluunniit.

3. Akiliinernik atuineq

Akiliussisussamaatit akiliinerit siullertut ernianik, akiliutinik aamma aningaasartuutinik matussusiinermut atorneqassapput, tullianillu akiliussisussamaatit akiitsut qularnaarneqartut sinnerinik annikillisaanermut atorneqassallutik.

Taarsigassarsiat/akiitsut qularnaveeqqusiinermi taamaallaat ilaannakortumik qularnaveeqquserneqarsimappata, akiliinerit siullertut akiitsuni qularnaveeqqusigaanngitsunik annikillisaanermut atorneqassapput.

4. Kinguartitsineq

GrønlandsBANKEN-ip akiliussisussamaammik akuersisummik peqqaarnani akiitsullip akilersuutinik, ernianik aningaasartuutinillu allanik akiliinissaanut kinguartitsisinnaavoq, matumanili aningaaserinermik ingerlatsineq pillugu inatsimmi § 47 ataqillugu.

5. Pigisanik naatsorsuinermit ataatsimiinnerni taasisinnaaneq

GrønlandsBANKEN-ip akiitsulimmit tunngasumik pigisanik naatsorsuinermit ataatsimiinnerni tamani qularnaveeqqummut atassuteqartumik sammisami taasisarpoq. Tamanna atuuppoq, GrønlandsBANKEN-ip piumasaqaatiminut tamakkiisumik qularnaanngitsumillu matussusiinissaata tungaanut.

6. Ataatsimut akiliussisussamaasiineq qularnaveeqqutillu allat

GrønlandsBANKEN qularnaveeqqusiinerit, akiitsulimmit imaluunniit allamit atugassinneqartut piviusunngortinnissaannut kiisalu GrønlandsBANKEN-ip killilersugaanngitsumik toqqagai naapertorlugit tigussanik nalikilliliinissamut imminut pisinnaatippoq. Akiliussisussamaat qularnaveeqqutini taama ittuni taarsiivigineqarnissamut pisinnaatitaaffeqanngilaq.

Tamanna ilaatigut isumaqarpoq:

- GrønlandsBANKEN akiliussisussamaat akuersiteqqaarnagu pisussaataaffimmut qularnaveeqqusigaasumut qularnaveeqqutinik allanik atuisinnaatitsilersinnaasoq
- GrønlandsBANKEN qularnaveeqqutit atorsinnaagai, qularnaveeqqusigaasumit piunasaqaatinut allanut akiliussisussamaatinut qularnaveeqqutaatigisunut piunasaqaatinik taama ittunik naammatsitsinissaq sioqqullugu.

Piginnittut ingerlatseqatigiiffiup akiliussisussamaatissaa pingaarnertut ingerlatsineri ingerlatseqatigiiffiup GrønlandsBANKEN-imut pisussaaffianut qularnaveeqqutaavoq, inuttulli akiliussisussamaatit ingerlatsineri ingerlatseqatigiiffiup GrønlandsBANKEN-imut pisussaaffianut tullittut qularnaveeqqutaavoq.

7. Nalunaarutiginnittussaaneq aamma akiitsullip akiliisinnaajunnaarnerani agguagassarsinissamut pisinnaatitaaffik

Akiliussisussamaatip akiitsullip GrønlandsBANKEN-imut pisussaataaffii akilertariaqarpagit, GrønlandsBANKEN nalunaarutiginninnissamut pisinnaatitaaffeqarpoq kiisalu akiitsullip pigisaani akiliutinit agguagassarsinissamut pisinnaatitaaffeqarluni.

8. Pinngitsaaliissummik naammassisitsineq

Akiliussisussamaat taarsigassarsinerimut qularnaveeqqutaappat, taarsigassarsinerimut uppersaarnasaq qularnaveeqqummik uppersaarnasammik ilaqartoq eqqartuussisarnermi inatsimmi § 598, imm. 1, nr. 7 naapertorlugu akiliussisussamaammi pinngitsaaliissummik naammassisitsinerimut tunngaviusinnaavoq.

Qularnaveeqqutit pillugit immikkut

Taarsigassarsianut akiitsunullu qularnaveeqqutinik qularnaveeqquserneqartunut aalajangersakkat tullittut aamma atuupput:

1. Qularnaveeqqusiinerup annertussusaa

Qularnaveeqqutit akiitsunik akilersuinerimut atatillugu akiliutinut aningaasaatinik, ernianik, akiliutinik, suliamut aningaasartuutinik aamma aningaasartuutinik allanik akiliinissamut qularnaveeqqutaapput.

Akiitsullip qularnaveeqqutigisai, akiitsullip GrønlandsBANKEN-imut pisussaaffiit imaluunniit pisussaaffigilersinnaasaanut sunulluunniit qularnaveeqqutit atuupput.

GrønlandsBANKEN-ip nammineq toqqarsinnaavaa katillugit pisassanit sorleq, imaluunniit pisassat arlallit akornanni sorleq, qularnaveeqqummik tigusassanit annikillineqassanersoq.

2. Pigisanik tigussaasunik qularnaveeqqutaasunik sillimmasiineq

GrønlandsBANKEN biilnut, umiatsiamut, pigisanut allanut imaluunniit illuutinut qularnaveeqquteqarpat, qularnaveeqqusiisup pisussaaffigaa qularnaveeqqusikkat kaskomik aamma/imaluunniit ikuallannerimut sillimmasissallugit.

Alla pingajuusoq qularnaveeqqusiisimappat, akiitsullip sillimmatinut akiliut allap pingajuusup akilinnigippagu akilissallugu pisussaaffigaa.

3. Qularnaveeqqutip ajornerulernera

Qularnaveeqqutip nalinga annertuumik ajornerulerpat, GrønlandsBANKEN-ip piunasaqaatigisinnaavaa, akiitsullip akiitsut/akiitsut annertussusaat immikkut ittumik annikillissagai imaluunniit, ajornerulernerup nalinganik allanik qularnaveeqqusiissasoq. Taamaattoqanngippat GrønlandsBANKEN-ip taarsigassarsiat/akiitsut sumiginarneqartut isigisinnaavai.

GrønlandsBANKEN illuutigisami akiitsullip ukioq naallugu najugarisaatut atortumi qularnaveeqquteqarpat, GrønlandsBANKEN-ip illuutip nalingata ajorseriarnerani immikkut ittumik appaassanngilaq imaluunniit allanik qularnaveeqqusiissanngilaq, ajorseriarneq paarsinerlunnermik tunngaveqanngippat.

4. Qularnaveeqqutaasunut GrønlandsBANKEN-ip pisinnaatitaaffii

GrønlandsBANKEN-ip qularnaveeqqutaasumut qularnaveeqqusiisup pisinnaatitaaffii tamaasa atorsinnaavai, matuma ataani qularnaveeqqummut aningaasanik sunilluunniit tigusineq aamma uppersaaneq, atorunnaarsitsineq akiliisitsinerlu, uppersaaneq kiisalu pisassarisanik qularnaveeqqusikkanik tammarnaveeqqusiinermut uppersaatinik imminut assartuineq imaluunniit kontoni uninngasuuteqarfinni qularnaveeqqusigaasuni aningaasanik qaffaaneq.

Aktiaatinik, piginneqataassutsinik assigisaannillu qularnaveeqqusiinermi GrønlandsBANKEN-ip, ingerlatseqatigiiffiit pillugit inatsisit, ingerlatseqatigiiffiup ileqqoreqqusai, piginnittut isumaqatigiissutigisinnaasaat assigisaallu naapertorlugit aktiaatillit aamma piginneqataassutillit pisinnaatitaaffii taamasa atorsinnaavai. Taasinissamut pisinnaatitaaffik qularnaveeqqusiisup pigaa, GrønlandsBANKEN-ip tamanna atorniarlugu erseqqissumik nalunaarutiginnissaata tungaanut. qularnaveeqqusiisoq GrønlandsBANKEN-ip saaffiginninneratigut ingerlatseqatigiiffimmit nalunaarutinik nassiussisassaaq, matuma ataani ilaatigut ileqqusumik ataatsimeersuarnermut aggersaanerit taassumangalu eqikkaanerit.

Qularnaveeqqut sillimmasiinermut allagartamik imaqarpat, qularnaveeqqusiisup pisussaaffigaa piumasaqarneratigut sillimmasiinermut akiliutip piffissaq eqqorlugu akilerneqarsimaneranut uppersaata GrønlandsBANKEN-imut takutinnissaa.

GrønlandsBANKEN-ip sillimmasiinermut allagartami utertitsilluni akiliutip nalinganik utertitsinissaq toqqaruniuk, GrønlandsBANKEN sillimmasiinermut isumaqatigiissuteqarneq pillugu inatsimmi killiliussaq aalajangerneqartoq utaqqinagu pisinnaatitaassaaq.

GrønlandsBANKEN qularnaveeqqusiinermi sioqqutsilluni matussusiinissamut pisussaannngilaq, soorlu GrønlandsBANKEN ataatsimut pisussaaffimmut atatillugu atuinermut nammineerluni toqqaasinnaasoq.

5. Qularnaveeqqut pillugu aningaasartuutit

GrønlandsBANKEN-ip pigisat qularnaveeqqutit pillugit aningaasartuutininik akiliinissamut piumasqaateqarsinnaavoq.

GrønlandsBANKEN-ip aamma piumasarisinnaavaa GrønlandsBANKEN-ip qularnaveeqqusiiffigisatut soqutigisaminut aningaasartuutaanut akiliisoqarnissaa, matuma ataani sillimmasiinermut akilersuutininut akiliinernut, qularnaveeqqummik misissuinerlut, inatsisilerinikkut ikiorneqarnermut aningaasartuutininut il.il.

6. Qularnaveeqqummit iluanaarutit

Qularnaveeqqusiinermi ilaapput erniat aamma iluanaarutit qularnaveeqqutininut qanoq ittunilluunniit, taakku ataanni inuunermut sillimmammut allagartanut bonusit, aktiani aningaasaateqarfinnit aktiaasinnaasut aamma isumaqatigiissuteqarnermi pisinnaatitaaffiit, obligationininut toqqakkanit iluanaarutit, attartortitsinermi iseritat assigisaallu.

GrønlandsBANKEN piginnaatitaavoq, pisussaataitananili (aamma akiliussisussamaammut atatillugu), akilersuutininik, ernianik aamma aningaasartuutininik akiliinermut ernianik iluanaarutinillu pissarsinissamut.

7. Nalunaarutit

Nalunaarutit tamarmik, qularnaveeqqusiisup pigisat qularnaveeqqutit pillugit tigusaanut atatillugu, qularnaveeqqusiisup pisussaaffigaa taakku erngertumik GrønlandsBANKEN-imut nassiutissallugit.

8. Obligationinik toqqaaneq

Obligationit qularnaveeqqusikkat toqqarneqarpata, toqqarneqartunullu taarsiullugu allanik pisisoqarpat, GrønlandsBANKEN VP Securities A/S-imut taakkununga qularnaveeqqutinik salliusutut nalunaarsuinissamut piginnaatitaavoq.

9. Atorunnaarsitsineq

Taarsigassarsiat/akiitsut qularnaveeqquserneqartut tamakkiisumik imaluunniit ilaannakortumik akilernerqarpata, kingornalu akiliinerit atorunnaarsinneqarpata, qularnaveeqqusiisoq GrønlandsBANKEN-ip qularnaveeqqutai pilerseqqissallugit pisussaataitaavoq, GrønlandsBANKEN-ip qularnaveeqqutit atorsinnaalertereeraluarpagilluunniit.

10. Kinguartitsineq

GrønlandsBANKEN qularnaveeqqusiisumit akuersissummik aalleqqaarnani taarsigassarsisup akilersuutininik, ernianik aningaasartuutinillu allanik akiliinissaanut kinguartitsisinnaavoq.

11. Pinngitsaaliissummik naammassisitsineq

Qularnaveeqqutinik pisinnaatitaaffinnik piviusunngortitsineq sallunaveeqqusiisumut siusinaarluni kalerriutiginnikkut pinngitsaaliissummik akitsorterussinikkut allakkulluunniit pissaaq, GrønlandsBANKEN-ip siunertamut tulluartutut naliligaanik, matuma ataani GrønlandsBANKEN-ip nammineq iliuuseqarneratigut piviusunngortitsineq.

GrønlandsBANKEN-ip pigisat tuninnginnerani, allakkamik innersuusummik nassiussisoqassaaq, sallunaveeqqusiisoq sapaatip akunnera ataaseq sioqqullugu GrønlandsBANKEN-ip piunasaqaataanik naammassininnissamut kajumissaarneqarluni.

Tamannali atuutinngilaq, annaasaqarnissaq pinaveersaartinniarlugu imaluunniit killilerniarlugu erngertumik tunisinissaq pisariaqarpat.